

OSASUN DEPARTAMENTUAREN PROZEDURA, IKASTETXEETAN IKASLEEN COVID KASUAK KUDEATZEKO

IKASTETXEKO IKASLE ETA LANGILEEN COVID KASUEN KUDEAKETA

1. Ez dute ikastetxera joan behar baldintza hauetakoren bat betetzen badute:

- PCR baten edo beste proba diagnostiko molekular baten emaitzaren zain dago.
- Bakartuta dago, PCR+ edo antigeno positiboaren bidez diagnostikatutako koronabirusaren infekzioa duelako.
- Berrogeialdian dago, COVID-19aren kasu baieztatu baten kontaktu estua delako.
- 12 urtetik beherako haurrak badira eta haien bizikide bat esperoan badago PCRa edo antigenoaren proba bat egiteko, COVID-19arekin bateragarria den klinika izateagatik.
- **Koronabirusak eragindako infekzioarekin bateragarriak diren sintomak ditu:**
- Kasu horretan, adinaren arabera, senideak edo tutoreak edo adingabea bera jarriko dira harremanetan osasun etxearekin edo Osasun Aholkuak Jasotzeko Zerbitzuaren erreferentziako telefonora deituko du (948 290 290), kasua azter dezan, PCRaren edo antigenoaren eskaera erabaki eta, hala badagokio, etxeko bakartzea ezar dezan, emaitza jakin arte.

2. Definizioa.

- **Kasu susmagarria:** ikastetxeko edozein langile edo ikasle, koadro kliniko hau duena: arnas infekzio akutua (handia), bat-batean agertua, edozein larritasunetako eta eragiten diona, besteak beste, sukarra, eztula edo aire-falta.
Beste sintoma batzuk ere –hala nola odinofagia, anosmia, ageusia, giharretako mina, beherakoak, bularraldeko mina edo zefaleak– har

daitezke SARS-CoV-2ak eragindako infekzioa duela susmatzeko zantzutzat, irizpide klinikoaren arabera.

- **Baieztatutako kasua, infekzio aktiboarekin:**

Kasu susmagarriaren irizpide klinikoa betetzen duen pertsona, eta PCR edo antigeno positiboa duena.

- **Kontaktu estua::**

- Baldin baieztatutako kasua bizikidetza-talde egonkor batekoa (BTE) bada: kontaktu estutzat hartuko dira taldeko pertsona guztiak. Irizpide hau Haur eta Lehen Hezkuntzan aplikatuko da.

- Baldin baieztatutako kasua BTE gisa antolatua ez dagoen gela batekoa bada: kontaktu estutzat hartuko da edozein ikasle egon dena 15 minutuz baino gehiagoz maskararen erabilera egokia egin gabe baieztatutako kasuarengandik <2 metroko distantziara.

- Bizikideak eta baieztatutako kasuen beste kontaktu batzuk.

- Ikastetxeko edozein profesional, irakasle zein bestelako langile, egon dena

15 minutuz baino gehiagoz maskararen erabilera egokia egin gabe baieztatutako kasuarengandik <2 metroko distantziara.

- Aldi hau hartuko da kontuan: hasi kasuak sintomak izan baino 2 egun lehenagotik eta kasua bakartzen den unera arte. PCR bidez baieztatzen diren kasu asintomatikoei dagokienez, diagnostikoaren aurreko 2 egunetan izandako kontaktuak bilatuko dira.

Kasuen kudeaketa

Ikastetxean, eta gaur egungo testuinguruan, kasuen detekzio goiztiarra eta haien bakartzea, bai eta kontaktu estuena ere, segurtasun-inguruneari eusteko eta hezkuntza- eta pedagogia-helburuak lortzeko neurririk garrantzitsuenetakoa da.

Ikasle batek ikastetxean COVID-19arekin bateragarriak diren sintomak baditu:

- Maskara kirurgiko bat emanen zaio ikasleari (2 urtetik gorakoa bada), eta beste bat gurasoak edo tutoreak iritsi arte hura zainduko duen helduari.
- Ikasleak ezin badu maskara kirurgikorik jarri, helduak jarri beharko ditu FFP2 maskara, balbularik gabekoa, aurpegiko pantaila eta behin erabiltzeko mantala.
- Ikasle hori eraman behar da aldeztatik auzeratutako banakako erabilerako gela batera; aireztapen egokia izan behar du, eta pedala duen zakarrontzia, horra botatzeko maskara eta behin erabiltzeko zapiak.
- Familiakoei edo legezko tutoreei abisua emanen zaie, ikastetxera etor daitezten eta ikaslea etxera eraman dezaten. Jakinaraziko zaie harremanetan jarri behar dutela bere osasun etxearekin edo Osasun Aholkuak Jasotzeko Zerbitzuaren erreferentziako telefonora deitu behar dutela (948 290 290), kasua ebalua dezaten, PCR edo antigenoaren eskaera erabaki eta, hala badagokio, etxeko bakartzea ezar dezan, emaitza jakin arte. Sintoma larriak badu, 112 zenbakira deitu behar da.

3. Ikastetxeko ikasleen kontaktu estuen kudeaketa

Ez da ezarriko eskolako kontaktu estuen berrogeialdirik, probaren emaitza positiboa dela jakin eta infekzioa baieztatu arte.

Ikaslea baieztatutako kasua bada, infekzio aktiboa badu eta aipatutako aldiak betetzen baditu eskolara bertaratu zen azken egunetik zenbatuta, Osasun Publikotik eta Nafarroako Osasun Zerbitzuko Kontaktuen Kudeaketa Zerbitzuaren bidez:

- Berrogeialdia ezarriko zaie kontaktu estutzat jotzen diren ikasleei (salbu eta baieztatutako koronabirus infekzio bat izan badu aurretik edo IgG positiboa izan bada aurreko 3 hilabeteetan)
- Berrogeialdiaren hasieran PCR proba bat egingen zaie Kontaktuen Kudeaketa Zerbitzutik adierazitako eskola-kontaktuei. Lehen PCR proba horren emaitzaren arabera:

- PCR negatiboa bada: SMS bidez iritsiko zaio emaitza. Berrogeialdia egiten jarraituko da - PCR positiboa bada: Kasu asintomatiko bat bada, ELISA proba egingen da.

IgG positiboa bada, edozein izanik ere IgM-ren emaitza. Infekzioa gainditu dela usteko da. Haur hori ez da berrogeialdian jarriko.

IgG negatiboa bada, baieztatutako kasutzat hartuko da. Osasun etxea eta/edo jarraipen taldea arduratuko da kasuari jarraipena egiteaz. Bizikideak eta eskolakoak ez diren baieztatutako kasuak berrogeialdian geldituko dira.

- Berrogeialdian zehar COVID-19arekin bat egiten duten sintomak izaten hasiz gero: profesional baten balorazioa eskatu beharko duzu zure osasun etxean; edo osasun etxearen ordutegitik kanpo, Osasun Aholkua jasotzeko Zerbitzuko erizainari deitu behar diozu (948 290290).
- Hamargarren egunean bigarren PCR bat egingen zaie lehen PCRan negatibo eman eta berrogeialdian segitzen dutenei, baieztatutako kasuarekin izandako azken kontaktutik kontaktzen hasita. Bigarren PCR proba horren emaitzaren arabera:
 - PCR negatiboa bada, berrogeialdia bukatu eta ikastetxera itzuliko da.
 - PCR positiboa bada: Baieztatutako kasu asintomatiko bihurtzen da, eta hasten da bakartzea, gutxienez 10 egunez, bai eta kontaktu estuen azterketa ere.
- PCRa egiteari uko eginez gero, eskola inguruneko kontaktu estuek 14 eguneko berrogeialdia egingen dute, baieztatutako kasuarekin izandako azken kontaktutik kontaktzen hasita, eta aldi hori amaitu arte ezin izanen dira ikastetxera itzuli.

4. Baieztatutako kasu bat ikastetxera itzultzea

COVID-19aren kasu positiboak direla, prozesu arina izaten ari diren eta ospitaleratzeko irizpiderik izan ez duten ikasleak bakartuak egonen dira gutxienez 10 egunez eta ikastetxera itzuliko dira, baldin eta 3 egun badaramatzate sintomarik gabe. Osasun etxeko profesionalek jarraipena egin, eta alta aginduko dute. Ez da beharrezkoa kontroleko PCR proba bat egitea, ezta txostena ere, ikastetxera itzultzeko.

**IKASTETXEKO IRAKASLEEN ETA IRAKASLE EZ DIREN LANGILEEN KASUAK
KUDEATZEA**

Kasu horien kudeaketa ikasleenaren antzekoa da. Jakinarazi behar zaio Laneko Arriskuei Aurrea hartzeko Zerbitzuari. kontaktu estuen agerpena minimizatuko da, prebentzio-neurrien bidez: 2 metroko distantzia gordez, maskara erabiliz eta espazioak aireztatuz.